

Chiāh siuⁿ pá

Ui-chi

Tī chit-ê piàn-thài ê siā-hōe, ū chin chē kán-tan ê tō-lí, sòa ài iōng chiok kú ê sî-kan chiah ē-sái thé-hōe.

Tú lâi kàu Tân-pak, chiok chē só-chāi lóng bô siáⁿ kòan-sì, iû-kî sī khai-chîⁿ ê thài-tō. Góa 1-kóa Tân-pak ê tōng-chhong tiōh chiok ài chio tàk-ê khì chiāh siáⁿ-mih *buffet*. Chit ê Eng-gí sū ê hoat-im chiok sêng Tân-gí ê “tōh hóe”, mā sêng Chi-na ōe kóng ê “不肥”. Nā kóng “不肥” sī bô-iáⁿ, kóng “tōh hóe” tiōh khak-khak-sit-sit--ah.

Buffet tiōh-sī chū-chō-chhan chiāh kàu pá ê ì-sù, liōng bô teh hān-chè, koh chhōan hiah chē liāu-lí, tong-jiān kè-siàu bô siök, siōng bô mā ài 3-4 pah kho. Tùi góa chit-ê ùi ē-káng lâi ê gín-á lâi kóng, chiāh 1-tng pñg, chîⁿ nā khai pí 100 khah ke tō chin ngāi-giōh--ah. Chóng--sī, siūⁿ beh khì khòaⁿ māi--leh, nā bô ài khì koh kiaⁿ hō tōng-chhong khì-hiām.

Nā koat-tēng beh khì, ùi chîⁿ-tē-á sa 3-4 tiuⁿ gîn-phiò chhut--lâi, sim-koanⁿ-té tiōh chin mā-kam, mā chiah piān-nā khì kàu tè tiōh ngē thui, pak-tó hiān to tiuⁿ kah, ka-pi khì-chúi iáu sī thoa teh kòan.

Bóe--á siūⁿ kóng, chiāh-pñg sī teh hiáng-siū, ná tiōh chiah-nih kan-khór, koh khòaⁿ tiōh hit-kóa Tân-pak ê tōng-óh,

ná-chhiūⁿ lóng chiāh kah chhùi chhiò bák chhiò. Che hō góa chiok khó-náu..ê, siūⁿ lóng bē thong, bák-chiu chêng ū hiah chē hó-liāu..ê, koh tiōh khai hiah chē chîⁿ, chiāh bô kàu pún ná ē-ēng..ê!

Gôan-lâi, góa khòaⁿ hit 400 kho kap in ê kak-tō bô kāng.

Lán chiāh mih-kiāⁿ ū pun chit kap liōng, che “tōh-hóe” sī 2-hāng kiam ū, chóng--sī bô khó-lêng 2-hāng lóng beh báu, góa tiōh-sī lóng beh ài, mā chiah ē chiāh kah hiah kan-khór, koh chài kóng, góa lóng iōng siök-mih ê kè-tát khì kap “tōh-hóe” pí, siūⁿ kóng khai 400 kho tiōh ài chiāh ū 400 kho ló-bah-pñg ê giáh.

Sòa mā-chai sè-hàn chhù--nih chin pháiⁿ kòe, bóe--á chōng-hóng khah hó--ah, Mama lóng kiaⁿ góan ē iau--tiōh, chhù--nih put-sī to khóan chiok chē mih-kiāⁿ teh tán, peng-siuⁿ ê mih-kiāⁿ to chiⁿ kàu mñg bē koaiⁿ--tit..ah, i koh pòaⁿ-po-á tiōh ná mñg góan ē iau--bōe, ná khóan mih-á hō góan chiāh, sui-jiān sin-khór, mā-kú i lóng ē chiok hoaⁿ-hí..ê, góan mā-chiah bē iau mā in kóng beh chiāh.

Chiāh-pñg chiāh 7-hun pá tiōh hó, mā-thang chiāh kàu siuⁿ tiuⁿ. Chit-ê kán-tan ê tō-lí hiān-tāi-lâng lóng chai-iáⁿ, góa sòa kàu kah 20-hòe chiah liáu-kái. Chit-ê siā-hōe chin-chiàⁿ piàn-thài.